

青虹嘯傳奇

青丘遺傳

青虹嘯
傳奇

古本戲曲叢刊二集

古本戲曲叢刊編刊委
員會據長樂鄭氏藏鈔
本影印原書葉心高二
十二公分寬十五公分

青虹嘯傳奇目次

卷上

述略

謁陵

議疏

彈劍

畋臘

書丹

勘帖

賜帶

泣詔

歃血

奸露

投鳩

宴勘

搜詔

訣別

卷下

山隱

弒后

逼封

全孤

撫稚

割鬚

投誼

癡擬

述冤

陰殛

劍嘯

鏡合

循環

獲奸

雪冤

青虹嘯傳奇卷上

長洲鄒玉卿崑圃撰

第一折 述略

沁園春末上漢祚衰微。曹瞞秉政。篡逆凌夷。羨董承泣詔。伏完
敵血。吉平啣指。議鴆奸回。悍慶淫英。成姦慮罪。暗首權奸起禍
魁。忠王事。極刑拔舌。剜目不心灰。堪悲。宮禁多危。伏后屍夷。
絞貴妃。痛君絕乳。高公存漢。送姑撫養。得認皇姨。忠矣董圓。更
名司馬。整旅中興。復帝畿。將冤雪。簷頭滴水。毫髮不差移。

第二折 謁陵

喜遷鶯生上孤忠霜凜。嘆國社傾危。宗廟流離。寸志難酬。補天

無計。空自淚眼愁眉。一片丹心常在。滿腔熱血羞灰。魂夢猶斬
奸邪。敢忘漢室。

銀燭朝天紫陌長。禁城春色曉蒼蒼。千條弱柳垂青瑣。百轉
流鶯繞建章。劍佩聲隨玉墀步。衣冠身惹御爐香。共沐恩波
鳳池上。朝朝染翰侍君王。下官董承。字君茂。官拜車騎將軍。
乃當今皇上之國舅也。荆妻早逝。年逾六旬。有子董圓。雖非
翰苑之流。頗也頭角稍異。娶媳伏氏。乃國文伏完之次女。今
上之姨也。且喜賢淑溫良。堪稱全德。這也不在話下。邇來國
事日艱。虎狼當道。始遭十常侍之亂。繼受董卓之傾。二賊雖
除。曹瞞復出。恣肆奸雄。威壓天子。我恐炎漢不久被賊所篡。

日夕憂煩。今乃春丁廟期。主上命下官代祭王陵。候祭禮一
頒。即便起行。有一契友司馬懿。昔年主上欽點守陵。今日一
則奉旨謁陵。二則與彼商議朝政。只是可恨賊臣。掌握朝權。
謀臣如市。戰將如雲。上殿不名。入官劍履。欺君罔上。至此極
矣。

錦纏道恨奸回。痛群黎宵旰盡疲。懸劍入宮幃。肆鴟張輕將帝
后凌欺。不通名御前指揮。假皇宣矯詔偷遺。滿朝文武。賊黨頗
多。那個敢言一字。權與勢相隨。布牙爪密藏外內。縱有擎天架
海奇。怎敢與奸雄作對。武和文有淚也偷隨。

(四小軍上)川程隨遠水。楚思望青峰。皇上已頒祭禮。請老爺

就道。(生)就此起行。

普天樂。駕驛騶。排車隊。歷秦楚。離燕薊。春風蕩烟柳低垂。斜陽外。紅紫爭輝。征塵四起。馬蹄兒跼蹐。一路風馳。(下)

古輪臺。(外上)景熹微。繁花一帶浸清溪。前山春色風前遞。一枝

鋪翠。數鳥相窺。動是牽情合意。勅守王陵已有年。滿腔熱血恨

無邊。匡扶社稷為梁棟。國事縈心鎮日牽。下官司馬懿是也。官

拜中散大夫。蒙聖恩勅守王陵。閒居遠位。甚為可喜。只是朝中

宰相專權。聖明失政。下官坐卧不安。昨日探報來說。聖上已差

董國舅前來祭陵。我想董兄與我交契。別後音信睽隔。此來正

好談心。但奸臣用事。朝臣行止艱難。爭如我巖底茅簷。林間曲

水。斜門小犬傍疏籬。殊花異卉。最關情。笑我朝衣。(生引衆上)山
從人面。馬旁雲障。長途滋味。此際助愁悲。名和利。空將情意感
恹恹。

(卒通報介)外出迎介。(生)憶別三秋。每懷渴想。握手一朝。欣安
夢寐。(外)睽隔台顏。寸心日待。今復得晤。喜慰生平。(坐介)(生)台
兄向來棲止如何。(外)小弟守此王陵。喜遠奸佞。只是不能為
國除賊。於心可愧。敢問國舅。近來朝政如何。(生)吾兄有所不
知。目今曹賊柄政。勢傾中外。小弟恨不能為國除奸。豚兒董
圓。望台兄日後提攜。使小弟老朽之年。身後亦可瞑目。(外)董
兄說那里話來。小弟與兄至契之交。兄子即我子也。何分彼

此(丑)禮生上。餛飩吃不已。跪倒爬不起。身上破藍袍。頭在猪蹄裡。請老爺主祭。(吹打三獻爵拜介)(生)萬歲萬歲。臣誠惶誠恐。稽首頓首。臣董承上言。

(芙蓉紅)山河半壁頽。景運遭奸宄。滿朝中元宰。忍羞含愧。阿呀。我那先皇呀。近來曹操秉政弄權。早晚恐生禍亂。可憐六宮粉黛。

愁荆棘。五夜春風泣子規。祈恩庇。王圖永徽。鋤奸佞。誅權勢。(外)祭祀已完。請吾兄後堂小飲。(生)王命在身。急於覆旨。就此告別。

(前腔)(外)纔停長者車。乍接蘭言契。怎匆匆話別。遽然分袂。(生)松聲杉影牽離思。鳥泣猿呼送馬蹄。(外)催征騎。教人淚垂。何日再

重相會。

聞道長安似奕碁。百年世事不勝悲。(生)君恩罔報心常愧。欲把丹心付託伊。(分下)

第三折 議疏

(破陣子)淨領衆上。笑握山河盈寸。雄威遠振凌雲。伯業圖王施暴政。喜負雄名壓衆臣。手持乾與坤。

漢主離宮棲露臺。秦川一半夕陽開。青山盡是朱旗繞。碧澗翻從玉殿來。新豐樹裡行人度。小苑城邊獵騎回。聞道甘泉能獻賦。懸知獨有子雲才。下官曹操。字孟德。譙郡人也。位列三台。官居一品。挾天子之威名。令諸侯之臣服。出將入相。為

詭詐之班頭。罔上欺君。作奸雄之領袖。門下謀士華歆張緝等。皆堪輔弼之臣。帳前虎賁許褚樂進輩。盡稱敢死之士。長子曹丕。可受禪位。孫子曹芳。定繼大業。可恨孫權劉備。各霸一方。鼎分三足。令我早晚憂心。我如今先圖漢室。後滅二雄。有何不可。前日已命張緝同曹芳邊上犒軍。施惠士卒。以窺將校動靜。今日料必歸矣。待他來時。再作商議。

(燕歸梁)(丑上)仗節持麾賞衆軍。今喜得轉都門。(付上)一朝奮發。篡謀伸興魏室。早欣欣。

(丑)爹爹在上。曹芳參見。(付)丞相在上。張緝參見。(淨)你兩個回來。了麼。事體如何。(付丑)已將丞相所賜之物。分犒各營將士。

微露禪漢之意。大小將士俱各歡呼。願丞相早登九五。(爭)如此甚好。方今孫劉各立。天下鼎分。軟弱漢君。何能為主。况我身經百戰。德望俱隆。目下雖為首宰。終為天下之主。你兩個聽我道來。

奈子宜春論矣。劉氣數將淪。滿朝中誰不知聞。推輪捧轂。齊心從順。(丑)丞相之意。正合天時。(爭)你細思之。今日也是丞相。明日也是丞相。目下雖然如此。子孫豈能世襲。因此上急圖前進。鎮中原重修揖讓。慢加華袞。

前腔。(丑)付三軍盡輦轂喧騰。歡聲動挾纊。知恩想唐虞讓位。堯傳與舜。(爭)那些將士也識天時人事麼。(丑)付邊上將士盡皆歸。

心。但不知朝中官宰。從順如何。（爭）這個不難。明日教華歆上疏。奏帝出狩。我自有計。探聽人心。論天從人心。須順。（合）進篇章請君王春狩。不加兵刃。

漢室衰微。文武離。天時人事一般歸。（合）須教明日篇章奏。試探臣心順與違。（下）

第四折

彈劍

（女臨江旦上）春深翠幕爐烟裊。珠簾捲。繡牀拋。東風何事冷蕭蕭。暗香飛點點。紅雨復飄飄。

落紅鋪徑水平池。弄晴小雨霏霏。杏花憔悴杜鵑啼。無奈春歸柳外。畫樓獨上凭欄。手撚花枝。放花無語。對斜暉。此恨誰

知妻乃伏完之女。伏后之妹。小字飛瓊。年方二八。于歸董門。才欺蔡女之能。志秉伯姬之操。雅好劍術。彈鋏夜半長鳴。酷愛春秋。讀書風前擊節。適因奸相專權。朝綱紊亂。我相公日坐針氈。牀頭懸一青虹寶劍。志在鋤奸。今早因公入朝議事。相公放心不下。已往午門探聽。至今未回。悶坐無聊。不免對此寶劍。賞玩一番。以消岑寂。

繡太平深閨悄。愁心亂攪。匣中寶劍輕挑。只見嚴霜飛舞。驚人電閃。勢欲屠蛟。可恨身為女子。難以成志。若為男子。定當粉身報國。仗此寶劍。誅戮曹賊。以雪天下臣民之忿。魂消。欲將寶劍正天朝。我料曹賊心懷篡逆。禍機叵測。我若不殺身成仁。定當